

愚山詩集

愚山詩集

施隨村先生遺詩序

雅頌得所而樂正詩固樂之苗裔乎古詩三百元音也
漢魏晉唐宮商迭奏律呂諧鼓觀乎止矣暨宋元明代
有作者然淫哇靡曼之鼓亦錯出其間蓋時代有升降
盛衰之不同而鼓韻之高下純雜亦應之宣城施隨村
先生族起江南自高曾以來以詩學世其家而乃祖愚
山先生才名嶧岬爲一代文章之冠蓋其源遠而流長
也久矣余以丙辰夏得遇先生嗣君蘅齋於粵東旅次
相得歡甚尊酒論文因出先生之剩圃詩集以示余作
而嘆曰先生襟懷高曠跡介顯晦間以詩書爲友以山
水爲隣芒屨竹枝侶鶴盟鷗吟秋月而醉春花夢懷葛

而揖巢許由是吐烟雲舒嘯傲胸之所結口之所宣清
濁大小俯仰疾徐洪纖抗墜抑揚高下莫不應金石而
叶管絃而中乎節奏之自然譬之於水或激或潏汨汨
乎其有聲也水不自知也譬之於風唱于唱喁又蓼蓼
乎其有聲也風亦不自知也先生之詩得母象之然乎
余僻處閩陬薄宦牛馬不獲炙先生之堂見先生之詩
如見先生矣見先生之嗣君蘂齋又如見先生矣蘂齋
種學績文出宰寧陽簿書之暇肄雅歌風自大司馬以
下爭相推轂其將和其轂以鳴

國家之盛者耶抑蓄極必洩繩祖父而荷析薪以發先
生之幽光者耶嗚呼先生可謂有子矣余素不能詩而

藥齋乃命余小子爲先生序詩而又不能上下千百年
漢魏唐宋以定先生之詩稱世誼者蓋先生有從兄素
堂公會爲予邵郡中別駕者也

乾隆元年歲在丙辰孟秋旣望年家眷世姪吳芮頓首
拜撰

五言古

冬日送惠舫沈夫子歸姑山

歲寒盛霜雪百物看摧萎
新月照離筵涼風時來吹
傾蓋與逆旅欲別還依依
矧吾師弟間八載相追隨
論文雙谿旁下榻昭亭陲
憂患各相憐顛躓還相恃
懇懇骨肉情寧只弟與師
歲月曾幾何忽焉懷歸思
回首憶往事涕下不自知
昔者吾師來有父相徘徊
今也吾師去墓草看披迷
念此腸寸斷不僅傷別離
登樓望姑山山色增我悲
含情向誰是揜淚成短詩

昔年憶雙溪舊館用東坡和陶移居詩韻

昔我十歲時讀書去野宅地僻無市喧清風共晨夕靜
專多理解淡泊寡物役得意時忘言顛倒卧几席一自
落塵網今茲非昨昔攘攘都會中有疑誰與析

積雪照窗戶長歌東坡詩恬淡寡營意千載猶遇之入
世誠非樂山居良足思礪北古址在去去今其時萬事
任得失不用憂來茲高卧蓬蒿徑心意期無欺

秋夜同友人河橋步月以月明星稀爲韻

明月出東嶺寒光散西城炯炯鑒微髮淒清難強名河
橋咫尺地竚立有餘情眷言顧儔侶俯仰心忤忤

吾生信有涯萬感總倏忽時事况東南笳聲中夜發上
賴堯舜君是方安城闕太平不爲歡此意亦良拙

明星靜清籟疎柳點流螢夜氣更將半沙汀漁火青長
嘯苦聲促醉餘思獨醒羨彼垂綸者歌罷自揚舲

烏雀從南飛匝樹無可棲老瞞利達人發言亦何悲世
途本雲幻愚者機自迷咄哉胡不醉玉繩行復低

天中秋日同友人散步城南

平生耻徵逐雅志在林泉眷此城南路況當秋日妍挈
伴散餘步翛然心地偏水鳥鳴澗底山猿號樹巔野叟
強解事怪客常掀髯人生原逆旅坎壈皆外緣富貴况
浮雲吁嗟何有焉得意自須樂當境毋遷延長嘯謂同
儕歌詩紀歲年

夙昔言有南州之行出門時奉別家祖母家母

夙昔讀簡編絕裾最所鄙再誦倚闔言復薄王孫氏今
茲汗漫遊母乃類於是貧賤迫生涯依人向千里長跪
別老親涕淚落如水陸行願日晴舟行願風美謙抑嚴
交遊風霜慎居止語罷聲暗吞送我發梁溪朝辭河之
涯暮宿江之汜涼月忽在天爛爛明無比水鳥負雛飛
啾啾夜不已不避繒繳加但欲哺其子睹物傷我情披
衣中夜起人生能幾何忍自踈甘旨少壯乖庭闈老大
更誰恃負米誠賢豪遠遊聖不齒淒絕成短詩濡筆淚
盈紙

呈建州太守龐雪崖先生

峩峩武夷山悠悠建溪水欣惟水鏡公褰帷此卧理春

風二三月千里走相依非敢事曳裾聊以慰調饑
調饑意如何公也文章伯岱嶽膚寸雲崇朝遍霖澤天
子重南顧特簡來海濱雅治婉龔黃頌聲滿八閩
閩海歡樂郊餘興擅風雅白雪播國中調高和彌寡伊
予愧愚賤識字知宗師先誼况綿綿金蘭憶昔時
昔時我先祖與公惟膠漆待詔忝同官金門共晨夕羣
公方霄漢吾祖悲下泉遺書藏石室何以廣流傳

流傳信云難抱書向誰語語出聲還吞空有淚如雨詩

律耐長吟惟公舊知音敢期流水曲一奏牙生琴

施公詩律

耐長吟公集中句也

途次感懷

子真本宦途曠懷反高寄吳門作尉情不敵求仙志餘
韻感東床桐江亦清翠當身且不榮何有於人事

勞馬疲不馳征鴻倦亦息嗷嗷復中林慈烏待哺食人
生事依人猶如饑方穡況乃動經年疏水缺子職

公寸有感漫成

觸暑事長途譬猶槽就麴險道况八閩羊腸與蛇腹來
當艷陽天今茲已三伏崎嶇萬山中辛勤悲兩足所嗟
事不諧千雷轟薦福世態輕賤貧往往在同屋吞聲未
忍言夜靜增悵鬱雙溪亦可漁玉山亦可牧掃逕守雲
扉無爲常鹿鹿

江郎山

仙人既得道此身且不有何復幻成形登峯若携手固
知九轉成舉世非吾偶相與立空青風雨千年壽
明日仙霞關攀躋愁兩足今日江郎山相對開心目土
花迸罅紅苔蘚緣崖綠仙蹤倘許隣吾當結茅屋

之麟州出門日大雪

驅車豈云瘁所事非所謀儒生分牖下乃同騶卒游懿
親重托付千里等園邱殷勤出門雪飄灑沾征裘

曉度黃花嶺時山雲四障尺寸不能辨

山氣出作雲爲雨澤天下我今陟山巔混茫兩眼怕未
辨殘雪白祇疑世渾化尺寸認難明同侶相驚詫頗知
米家景滅沒圖一畫又如大海波浩白空中瀉元氣混

太虛氤氲會條乍我家本黃山雲海古無價乃意蠻方
觀不殊在屋舍行行聊賦詩身已入雲罅

別王筠原

白日尙未末寒月已在天今夕是何夕華堂張盛筵自
分與君友中道忍弃捐所嗟遊子心兩地驚離弦
君家西河渙我家昭亭旁行行五十里孰云阻且長斷
蓬飛東西浮萍任飄揚會合苟不時睽違卽異鄉
猶憶歲在丙八月橫塘路握手始茲時一見肝胆露消
息中茫然兩年敦濶懷今此復何如含情渺江樹
世風迂桡鑿趨勢咸士前維子峻骨相腹笥况便幽
蘭生空谷敢爲桃李妍黽勉歲寒操葆真還吾天

我行已鴻冥君歸復決計主人雅愛客何以爲分袂烈
士志千春丈夫耻纖細寸心苟不移四海皆人世
晨鐘倏云發班馬鳴蕭蕭霜花輕拂面行矣謝吾曹徘徊
看黃鵠偃息悲鷦鷯長揖望古人黯然徒魂銷

壽宋子春先生

時爲海陵令

嵩岳何嵯峨淇流復澎湃攀躋亦已難溯洄更匪易高
深亘古今天地勞位置今瞻君子儀靈秀昭然萃
鳳凰翔高岡凡鳥皆歛翼騏驥步天衢紛紛嗤下駟名
匪君子矜實爲衆所異朱程流澤長千載發深喟
哲士愛景光良臣志安奠緬維海陵春詎數河陽縣膏
雨普平疇和風被芳甸誰興五絳歌一一興情徧

植學慚闇陋壯猶不如人自維藉先澤執爵廁末賓公
勗我令德我壽公千春相彼簷前花禮矣正芳辰

游戴氏張氏汪氏諸園

園俱舊係邑先達季公別業

作客薄塵事選勝攄煩憂名園聞比櫛一一豁雙眸東

園洵昭曠

戴園

千畝邈遭周川巖競向昔花木紛披糾

老松百尺強拏攫成蒼虬一園表相屬入駭萬綠稠淇

泉疑髣拂渭水思悠悠

張園竹獨盛

所嗟臺榭欹白晝颺颺

啾最後得日涉

汪園

奧窔稱清幽逕甘危巘折峯讓孤

亭收深池泳蝌蚪古幹號駝駟携觴有唐舉

時唐序皇携壺就酌

差使疲憊瘳吟賞足終日撫往彌含愁平泉何氏業綠

野伊誰留東山太傅歸燕子餘空樓經營緬在昔寧爲

他人謀流光激飛電爽鳩同悵惆盛爲韋曲春衰爲杜陵秋代謝信環轉俯仰悟沉浮臨發語園丁慎勿却春游

園門向堅閉不納游展是日因邑使君之紹介始得縱觀

送劉溥原計偕北上

花繁提景燦雨淨湖波綠美人撥蘭橈承明行獻牘於時冠蓋盛設祖紛絲竹我亦餞河梁歡深還意鬱寸心原匪石從此悄幽獨

迢遙萬里程托足自茲始懷文際聖世致身有餘理經濟湛淵深家聲赫帝里爍爍青黎光天祿端爲侯君行好自在鵬翮滄溟徙

少小几研共壯大出處分人生各有志所感在離羣京